

# Qalam

Bilangan 39 - Oktober 1953 - Muharam 1373 - 60 sen

## Parti Displin

Kalau kita perhatikan sekarang maka UMNO dan IMP telah mengeluarkan kenyataan bahawa mereka akan menjalankan Parti Displin (tidak membenarkan orang-orang yang bersatu di dalam pertubuhan bercampur dengan parti-parti siyasah yang lain). Langkah-langkah yang dijalankan ini ialah langkah-langkah yang sesuai dan tepat mengikut kaedah pertubuhan siyasah kerana tidak akan boleh boleh seseorang itu mempunyai dua hati di dalam satu masa. Tuhan juga telah mengajar dan menunjukkan dengan tepatnya kepada yang demikian itu.

Bagaimana pembaca-pembaca maklum bahawa sedikit masa yang lalu kita telah menggalakkan supaya tertubuh sebuah pertubuhan Islam yang sebenar dan kemudian daripada itu tidak lama antaranya tertubuh persatuan Islam se-Malaysia di Kuala Batas, tetapi malangnya pertubuhan itu tidak mengadakan parti disiplin kerana masa itu orang-orang UMNO yang besar mesyuarat di situ berkata saya masih sayang kepada UMNO dan orang-orang IMP, berkata saya masih suka kepada IMP; dan kerana itu pertubuhan yang diharapkan pada mulanya akan berjaya itu pun hiduplah dengan cara ahli-ahlinya dan jawatankuasa-jawatankuasanya yang boleh duduk di sana atau disini dan yang bermakna boleh menggunakan dua lidah.

Apabila kita membentangkan perkara ini maka tidak sunyi kata nista didatangkan kepada kita dengan mengatakan bahawa pada mulanya kita berhajat sebuah pertubuhan Islam tetapi setelah bertubuh kita membidasnya dengan keras dan tepat. Orang ramai sedia maklum bahawa pertubuhan yang kita galakkan ialah yang berdisplin yang sekurang-kurangnya ahli-ahli jawatankuasanya.

adalah berbuat demikian-kalau tidak begitu tentulah

keadaannya sebagai kita sebut diatas.

Sekarang kita telah melihat perkara-perkara yang terjadi di hadapan kita yang menghendaki bahawa umat Islam wajib bersatu kita telah melihat langkah-langkah siyasah yang dijalankan oleh pertubuhan-pertubuhan kebangsaan yang mempermain-mainkan agama yakni apabila ada faedahnya di dalam agama dia menjulang agama dan apabila terlepas daripada semua dihajat mereka tinggalkan dan mereka langgar dan mereka capak serta mereka permain-mainkannya. Dengan kerana itu kita berharap persatuan Islam se-Malaya mengkaji semula kedudukannya dengan seberapa segera mengadakan parti disiplin, sekurang-kurangnya di dalam jawatankuasa kerjanya supaya dapat meletakkan atas tujuan yang dihajati untuk menjadikan negeri kita Dār al-Islām dan untuk menggalak mengadakan persatuan dan perpaduan di antaranya dengan tertubuhnya yang lain yang ada.

Mudah-mudahan persatuan Islam se-Malaya akan memikirkan hal yang mustahak ini supaya apa jua rancangan yang akan dibawa tidak akan diketahui oleh orang lain kerana seseorang itu mudah yang pindah kesan dan berpindah ke mari . Dengan demikian diharap dia akan berjaya meluaskan langkah-langkahnya dengan mendapat perhatian seluruh umat Islam adanya.

(Sambungan dari muka 4)

Melayu – cuma cara dan tujuannya berlainan dan dengan kerana itu maka apakah tidak molek bagi UMNO mencari jalan bersefahaman diantara pertubuhan-pertubuhan Melayu dan kemudian setelah didapati perpaduan merundingkan perkaranya bersama-sama raja-raja Melayu supaya dapat kita membina hak kita bersama?

Fikiran yang demikian ini sesungguhnya molek untuk menyampaikan tujuan itu semolek-moleknya ada sesuatu golongan daripada orang-orang yang melakukan yang suka bekerja menubuhkan suatu badan yang bekerja untuk menghubungkan badan-badan Melayu itu kerana mencari faedah yang baik bagi bangsa Melayu – Adakah yang demikian ini akan ada yang memulainya?

# DARI SEBULAN KE SEBULAN

Orang-orang hendak menyatakan pelajaran sekolah-sekolah agama di Singapura ini telah timbul semula iaitu setelah memandang beberapa lamanya diantara sebuah sekolah dengan sekolah yang lainnya tidak ada persuaian pengajaran – yang sebuah mengajar lain dan yang sebuah lagi lain.

Ini ialah suatu orang-orang yang baik tetapi telah bertahun-tahun orang-orang ini timbul terutamanya sesudah perang ini pelaksanaannya masih belum ada kerana itu orang-orang itu tenggelam timbul sedang kerja-kerja untuk melaksanakan tujuan itu tidak berjalan langsung.

\*\*\*

Dalam Persidangan UMNO telah mengambil keputusan menuntut supaya pilihanraya Federal diadakan pada tahun 1954 – kalau tidak adalah ahli-ahli UMNO yang menjadi ahli-ahli Federal Council akan menarik diri Payah untuk menentukan apakah tujuan yang dekehendaki dengan segera itu akan membawa sesuatu faedah kepada umat Melayu umumnya atau tidak adalah bergantung kepada kepercayaan dan perhatian masing-masing orang.

Ada bahagian orang tidak berkenan dengan langkah yang sebegini segera dan mereka menghendaki supaya di antara orang-orang Melayu mencari perpaduan di antara

mereka daripada meluluskan UMNO berpadu dengan M.C.A.

UMNO pada masa sekarang. Kata pendapatani ini. Tidaklah sayoginya mendatangkan tuduhan-tuduhan sahaja kepada badan-badan yang lain yang berhajat juga kepada keselamatan negara orang-orang

(sambungan pada muka 3)

Pejabat Kadi kampong Gelam  
Nombor 38 Kandahar Street Singapura.

Adalah saya Haji 'Ali Bin  
Haji Sulaiman Kadi Kampung Gelam  
Singapura, ucapan berbanyak-banyak  
terima kasih di atas  
pertolongan dan bantuan tuan tabib  
H.G Mustaffa yang telah mengubatkan  
penyakit buasir yang saya telah hidapi  
selama lebih kurang (15) tahun lamanya.

Tetapi Alhamdulillah berbanyak-banyak syukur  
saya kepada Allah Subhānahu wa Ta'ālā  
hendak memanjangkan umur saya lagi dapatlah saya bertemu dengan  
tuan tabib H.G Mustaffa Nombor 280 Victoria Street Singapura,  
Jikalau tidak tentulah menjadi melarat selamanya. Maka dengan sebab  
kemahirannya dengan persetujuan Allah taala mengabulkan perbuatannya

penyakit saya telah sembah dengan tidak payah  
dipotong hanya gugur dengan sendiri di dalam  
sedikit masa sahaja. Inilah saya memberi  
sedikit masa sahaja inilah saya memberi  
sedikit akuan padanya. Wasalam adanya.

TABIB H.G MUSTAFFA

Punjab Medical Hall,  
No 280, Victoria Street,  
Singapore City (7).

